



沙弥羅經

附三秦錄

昔有小兒名曰沙弥羅年始七歲意好道德隨一沙門為作弟子處在山中給師所使誦念經法心不懈怠至年八歲得阿羅漢道眼能洞視所見无極耳能徹聽天上天下所為善惡皆悉聞之身能飛行在能至到能分一身變作万身自在現化無所不作自知宿命所從來生及諸人物跛行編動皆悉知之坐見宿命為五母作子時便自笑時師問語沙弥羅汝笑何等此閒山中亦無歌舞汝笑我耶沙弥羅言不敢笑師我還自笑一神受身為五母作子五母為我晝夜啼哭感傷愁毒不能自止恒言念子未曾忽忘自念一身而愁五家是以自笑不敢笑師我為第一母作子時有並隣居亦生一子與我同日我死以後同日子出入行步母見之便言悲念我子在家亦當出入行步如是感傷悲哀淚下如雨我為第二母作

沙弥羅經

第三卷

第七

子時我天命早死我母見人乳兒便念乳我悲念感傷我為第三母作子時年始十歲我命復死我母飯時便悲淚出我子在者當與俱食捨我死去使我獨食哽咽呼天怨言念子我為第四母作子時薄命先死我母見我等輩同時因媒娶婦悲念我言今子在者亦當娶婦我何所犯而然我子我為第五母作子時始七歲好道辞家捨母隨師入山求道一心思禪得阿羅漢道我母日日啼哭念我我生一子隨師學道不知所在飢渴寒暑今為死生於是五母共會一處各各悲哀言念我子相對啼哭不能自止我一魂神展轉五母腹中作子依因二親受形成人而使五母啼哭發狂各念我身乃欲自煞是故笑耳我念世間欲網因緣生死罪福造行根源惡入地獄善行生天我畏世苦辭家入山精進禪定得道昇仙覩見餓鬼地獄畜生苦痛之處代為恐怖憐傷五母不能自脫又憂我身我所求索願行如言永離生死斷絕身根如

人不種當所泥洹善會師說已飛騰  
虛空

沙弥羅經

沙弥羅經

校勘記

- 一 底本，金藏廣勝寺本。
- 一 三六九頁中一行經名下，**徑**、**清**有夾註「安公云關中異經」。
- 一 三六九頁中二行「附三秦錄」，**實**作「安公關中異經後漢三藏安世高譯」；**碩**、**圖**作「安公關中異經」；**南**作「安公云關中異經」；**徑**、**清**作「失譯人名」；**圖**作「失譯附三秦錄」。
- 一 三六九頁中八行「能至到」，**實**、**碩**、**南**、**徑**、**清**作「所能到」。
- 一 三六九頁下一行「天命」，諸本（不**含石**）作「天命」。
- 一 三六九頁下三行「復死」，**實**、**碩**、**南**、**徑**、**清**作「死後」。
- 一 三六九頁下九行第九字「時」，**實**、**碩**、**南**、**徑**、**清**作「時年」。
- 一 三七〇頁上二行「虛空」，**實**、**碩**、**南**、**徑**作「空虛」。